



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1566 usque ad annum 1572

**Fleury, Claude**

**August. Vind. [u.a.], 1772**

**VD18 90118634**

§. 7. Crispi Cardinalis mors.

---

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul. XVI.  
A. C. 1566.  
clesiam sancti Spiritus de Saxia; verum ejus familiaris, ac testamenti executor Scipio Rebiba, qui Cardinalis Pisanus nuncupabatur, ejus corpus ab Ecclesiæ ingressu ad majus altare transferri, marmoreoque sarcophago imponi curavit addito quodam Epitaphio. De hoc Cardinale narratur, quod is quondam, cum adhuc Rotæ Auditor esset, & munere suo fungens civilem causam, ac controversiam in Joannis Petri Cardinalis Carraffæ, postea Pauli IV. favorem juste diremisset, ex ducentis aureis, quos ei hic submiserat, duos tantum retinuerit, atque hujus pecuniæ bajulo dixerit: *Hi duo tantum mihi debentur: reliquos Cardinalis habeat.*

## §. VII.

*Crispi Cardinalis mors.*

*Ciacon. t. 3.*  
*pag. 706.*  
*Ughel. Ital.*  
*Sacr.*  
Quarto loco recensendus venit Tiberius Crispus patria Romanus Pauli III. ante Pontificatum familiaris, ac Constantiæ Farnesiæ frater naturalis, porro is anno a partu Virginis millesimo quadringentesimo nonagesimo octavo pridie Kalendas Februarii primam lucem aspexit, ac jam in primis juventutis suæ annis animum ad literas ad eo propensum ostendit, ut brevi uberimos eruditionis suæ fructus proferret, nam mira etiam in consiliis inveniendis



niendis facilitate, ingenii acie, ac memoriae firmitate pollebat, hisque dotibus clarus benevolentiam Cardinalis Farnesii sibi conciliabat, a quo etiam ad summum Pontificatum evecto arcis Perusinae Praefectus, ac postea Urbis Gubernator creabatur: cum autem adhuc ad ampliora destinatus esset negotia, Romam accersitus Arci sancti Angeli praeficiebatur, Basilicaeque Vaticanæ Canonicus eligebatur, ac denique ab eodem Pontifice Anno reparatae salutis millesimo quingentesimo quadragesimo quarto renuntiabatur Cardinalis Diaconus tit. S. Agathæ, necnon Umbriae Legatus: regnante autem Julio III. Cardinalibus Presbyteris titulo sanctæ Mariæ Transtyberim accensebatur: insuper etiam Amalphitanum Archiepiscopatum in Neapolis regno, necnon Nepesinum, & Sutrinum Episcopatum in Etruria obtinuit, postquam per triennium Sueffanensem Ecclesiam rexerat: tandem autem Sutri die Dominica, decima quarta Octobris anno millesimo quingentesimo sexagesimo sexto ætatis suæ anno sexagesimo nono mortalitatem exiit. Intererat sacris comitiis, in quibus Julius III. Marcellus II. Paulus IV. Pius IV. & Pius V. in Romanos Pontifices fuerant electi.

A 5

§. VIII.

Sæcul. XVI.  
A C. 1566.